

ԵՆԹԱԿԱՌՈՒՅՑ

ԻՐԱԿԼԻ ՂԱՐԻԲԱՇՎԻԼԻ. «ՎՐԱՍՏԱՆԸ ՏԱՐԱԾԱՇՐՋԱՆՈՒՄ ԱՄԵՆԱՄԵԾ ՏԱՐԱՆՅԻԿ ՈՒ ՏՐԱՆՍԴՈՐՏԱՅԻՆ ՆԵՐՈՒԺ ՈՒՆԵՅՈՂ ԵՐԿԻՐՆ Է»

Հունվարի 29-ին կայացավ Փոթիի ծովային նոր նավահանգստի բացման պաշտոնական արարողությունը: Միջոցառմանը ներկա էին Վրաստանի վարչապետ Իրակլի Դարիբաշվիլին, Վրաստանի կառավարության եւ խորհրդարանի անդամներ, Վրաստանում հավատարմագրված դիվանագիտական կորպուսի, հասարակական կազմակերպությունների, լրատվամիջոցների ներկայացուցիչներ:



Իր խոսքում, Վրաստանի վարչապետն առանձնակի կարեւորեց տրանսպորտային նոր ենթակառուցի ռազմավարական նշանակությունը ինչպես երկրի էկոնոմիկայի, այնպես էլ՝ Վրաստանի համար տրանսպորտային տարանցիկ երկրի կարգա-

վիճակի ամրապնդման գործում:
- Ինձ համար մեծ պատիվ է լինել այստեղ՝ Վրաստանում (Շարունակությունը՝ 2-րդ էջում)

ԴԻՐՔՈՐՈՇՈՒՄ

ՕՐԵՆՍԴԻՐ ՄԱՐՄԻՆԸ ԸՆԴՈՒՆԵՅ ՈՒԿՐԱԻՆԱՅԻՆ ԱԶԱԿՈՂ, «ՎՐԱՅԱԿԱՆ ԵՐԱՋԱՆՔԻ» ՆԵՐԿԱՅԱՅՐԱԾ ԲԱՆԱՋԵՎԸ



Փետրվարի 1-ին, Վրաստանի խորհրդարանը՝ 74 կողմ ձայներով ընդունեց Ուկրաինային աջակցող բանաձեւը: Գրանցումն անցել է 107 պատգամավոր:

Ուկրաինայում հնարավոր ռազմական եւակուլացիայի վերաբերյալ Վրաստանի խորհրդարանի բանաձեւի տեքստը ներկայացրել էր «Վրացական երազանք» կուսակցությանը: Փաստաթուղթը մշակել են խորհրդարանական մեծամասնության անդամներ Գիորգի Խելաշվիլին, Մակա Բոժորիշվիլին, Լեւոն Բարունի-Երազանք» (Շարունակությունը՝ 4-րդ էջում)

ՍԱԼՈՄԵ ԶՈՒՐԱԲԵՇՎԻԼԻ. «ՀՈՒՍՈՎ ԵՄ, ՈՐ ՈՒԿՐԱԻՆԱՅԻ ՂԵՄ ՆՈՒՅՆ ԱԳՐԵՄԻԱՆ ԶԻ ԿԻՐԱՐԿՎԻ, ԻՆՉՂԵՄ ՎՐԱՍՏԱՆԻ ՂԵՄ»

Հունվարի 29-ին, Վրաստանի նախագահի նստավայրում՝ Օրբելիանիների պալատում կայացավ ԶԼՄ-ների ներկայացուցիչների հետ համդիպմանը, Սալոմե Զուրաբիշվիլին անդրադարձել է Ռուսաստանի Արտաքին գործերի նախարար Սերգեյ Լավրովի վերջին հայտարարություններին:

Զուրաբիշվիլին Լավրովին հիշեցրել է իրենց ունեցած բանակցությունները, եւ որ այն ժամանակ ՌԴ արտգործնախարարն ասում էր՝ երկրները դաշնակից ընտրելու իրավունք ունեն:

- Կարծում եմ՝ սա շատ լավ սկիզբ էր, եւ ես ուզում եմ ինչ-որ կերպ հիշել դա այսօր,- ասել է Սալոմե Զուրաբիշվիլին:

Վրաստանի նախագահ Սալոմե Զուրաբիշվիլին համերաշխություն է հայտնել Ուկրաինային:



- Հուսով եմ, որ Ռուսաստանը չի կիրառի նույն ագրեսիան, որն իր ժամանակին կիրառեց Վրաստանի դեմ: Այս գործողություններն արդյունք չեն բերում,- ընդգծել է Վրաստանի նախագահը՝ հավելելով, որ գործընթացները կանցնեն երկխոսության ռեժիմի:

ԻՐԱԿԼԻ ԿՈՒԲԱԽԻԶԵ. «ՊԱՏԵՐԱԾՄԻ ԿՈՒՍԱԿՅՈՒԹՅՈՒՆԸ» ԲԱՅԱՆԱՅՏՈՐԵՆ ՅԱՆԿԱՆՈՒՄ Է ՈՒԿՐԱԻՆԱՅՈՒՄ ՏԵՄՆԵԼ ՊԱՏԵՐԱԾՄ»



Ինչպես արդեն հաղորդել ենք, խորհրդարանի լիագումար նիստում՝ 74 պատգամավորներ պաշտպանել են Ուկրաինայում հնարավոր ռազմական դիմակայության վերաբերյալ բանաձեւը:

Խորհրդարանական մեծամասնության ներկայացված բանաձեւում, Վրաստանի խորհրդարանը խոր մտահոգություն է հայտնում Ուկրաինայում հնարավոր դիմակայության կապակցությամբ եւ դատապարտում է բոլոր գործողությունները, որոնք ուղղված են երկրի ինքնիշխանության եւ տարածքային ամբողջականության դեմ, ինչը սպառնալիք է ստեղծում ոչ միայն Ուկրաինայի, այլեւ տարածաշրջանի խաղաղությանը ու անվտանգությանը: Վերոնշյալ բանաձեւն ընդդիմադիր պատգամավոր-

ների կողմից հավանության չարժանացավ: Մեկնաբանելով ընդդիմադիր պատգամավորների դիրքորոշումը, «Վրացական երազանք» կուսակցության նախագահ Իրակլի Կոբախիձեն հայտարարեց, ակնհայտ է, որ նրանք ցանկանում են Ուկրաինայում տեսնել պատերազմ:

- Դա անմիջականորեն երեւում է նրանց ելույթներից: Կարծում եմ, որ դա էլ նրանց չի բավարարի, եւ կցանկանան նման գործընթացներ եւս տեսնել Վրաստանում,- հայտարարեց Իրակլի Կոբախիձեն՝ հավելելով, որ բանաձեւի տեքստը այնպես է ձեւակերպված, ինչը լրիվությամբ համապատասխանում է Վրաստանի պետական շահերին:

ՎՐԱՍՏԱՆ - ՀԱՅԱՍՏԱՆ

ՎԱԽԹԱՆԳ ԳՈՄԵԼԱՌԻ. «ԵՍ ՄԻՇՏ ԸՆԴՈՒՄ ԵՄ, ՈՐ ՀԱՅԵՐՍ ՈՒ ՎՐԱՅԻՆԵՐՍ ԱՄԵՆԱՄԵՐԻՄ ԺՈՂՎՈՐԴՆԵՐՆ ԵՆՔ, ՄԵՆՔ ՀԱՏ ՀԱՐԱՋԱՏ ԵՆՔ ՈՒ ՆՄԱՆ...»

ՎՐԱՍՏԱՆԻ ՆԵՐՔԻՆ ԳՈՐԾԵՐԻ ՆԱԽԱՐԱՐԸ ԵՐԵՎԱՆՈՒՄ ՀԱՆԴԻՊԵՑ ՀԱՅԱՍՏԱՆԻ ՎԱՐՉԱՊԵՏԻՆ ԵՎ ՈՍՏԻՎԱՆԱՊԵՏԻՆ

Փետրվարի 2-3-ին, Վրաստանի ներքին գործերի նախարար Վախթանգ Գոմելաուրին պաշտոնական այցով գտնվում էր Հայաստանում:



Երկրորդ այցի շրջանակներում Վախթանգ Գոմելաուրին հանդիպում է ունեցել Հայաստանի վարչապետ Նիկոլ Փաշինյանի հետ, բանակցություններ է վարել Հայաստանի ոստիկանապետ Ստիկանապետ Վախթանգի հետ:

Վրաստանի ՆԳ նախարարի եւ Հայաստանի վաչապետի համդիպմանը, որին ներկա էր նաեւ Հայաստանի ոստիկանապետը, Նիկոլ Փաշինյանը, ողջու-

նելով հյուրին, նշեց.
- Շատ ուրախ եմ մեր երկրների հարաբերություններում ի հայտ եկած նոր դիմամիկայի համար: Օրեր առաջ այստեղ էր Վրաստանը (Շարունակությունը՝ 2-րդ էջում)

ՎՐԱՍՏԱՆԻ ԽՈՐՀՐԴԱՐԱՆԻ ՆԱԽԱԳԱՆԸ ՀԱՆԴԻՊԵՅ ՎՐԱՍՏԱՆՈՒՄ ՀԱՅԱՍՏԱՆԻ ՂԵՄՂԱՆԻՆ

Փետրվարի 4-ին Վրաստանի խորհրդարանի նախագահ Շալվա Պապուաշվիլին հանդիպում ունեցավ Վրաստանում Հայաստանի արտակարգ եւ լիազոր դեսպան Ռուբեն Սադոյանի հետ:

Հանդիպմանը կողմերն անդրադարձան Վրաստանի եւ Հայաստանի միջեւ առկա բարձր մակարդակի համագործակցությանը:

Ընդգծվեց խորհրդարանական դիվանագիտության նշանակությունը՝ երկու պետությունների միջեւ հարաբերությունների առավել ամրապնդման հարցում:

COVID - 19

ԶԵՂԱՐԿՎԵՅ «ԿԱՆԱՉ ԱՆՁՆԱԳԻՐ» ՊԱՀԱՆՋԵԼՈՒ ՊԱՐՏԱՎՈՐՈՒԹՅՈՒՆԸ

Փետրվարի 1-ին միջգերատեսչական համակարգող խորհրդի հերթական նիստում ընդունվեց որոշում, ըստ որի՝ Վրաստանում չեղարկվել է «Կանաչ անձնագիր» ունենալու պարտավորությունը:

Միջգերատեսչական համակարգող խորհրդի օպերատիվ շտաբի պետ Գիորգի Դիբրաձեի հաղորդմամբ՝ որոշումը պայմանավորված է նաեւ «Օմիկրոնի» արագ տարածման եւ վիրուսի թույլ ընթացքի, ինչպես նաեւ համաշխարհային պրակտիկայով:

- Արտասահման մեկնելու դեպքում դեռեւս պետք կգա «Կանաչ անձնագիր»,- հավելել է Գիորգի Դիբրաձեն:

Նրա խոսքով, չնայած վարա-

կակիրների աճող թվին, իրավիճակը լիովին կառավարելի է, հիվանդանոցային հատվածի վրա ճնշումն էապես չի ավելանում, հիվանդների մեծամասնությունը բուժվում են տնային պայմաններում, եւ նրանց առողջական վիճակը վերահսկվում է ընտանեկան բժշկների կողմից:

Նշենք, որ Վրաստանի վարչապետ Իրակլի Դարիբաշվիլու գլխավորած ճիստը տեղի է ունեցել տեսակոնֆերանսի ձեւաչափով:

ԼԵՅԱՍՏԱՆԻ ՆԱԽԱԳԱՅԻ ՏԱՐԱՆՑԻԿ ԱՅՅԸ

ԱՆՁԵՅ ԴՈՒՂԱ. «ՄԵՆՔ ԱԶԱԿՑՈՒՄ ԵՆՔ ՎՐԱՍՏԱՆԻՆ»

Փետրվարի 4-ին, կարճատև տարանցիկ այցով Թբիլիսիում էր գտնվում Լեհաստանի նախագահ Անժեյ Դուդան: Այցի շրջանակներում՝ նա հանդիպում ունեցավ Վրաստանի նախագահ Սալոմե Զուրաբիշվիլու հետ:

Հանդիպման ավարտից հետո անցկացված մամլո ասուլիսում, Լեհաստանի նախագահի առաջին իսկ խոսքից պարզ դարձավ, որ նրա կարճատև այցը կապված է Ուկրաինայի խնդրի հետ: Շնորհակալություն հայտնելով վրաց գործընկերոջը հրավերի համար, Անժեյ Դուդան նշեց, որ Վրաստանի նախագահի համար կարևոր է ծանոթանալ Լեհաստանի տեսլականին կոնկրետ այս հարցում:

Դուդան հատկապես ընդգծեց իր վերաբերմունքը Վրաստանի նկատմամբ՝ առանձնացնելով Լեհաստանի աջակցությունը ռուսական ռազմական ագրեսիայի ընթացքում:

«Վրաստանի հետ ես առանձնահատուկ զգացմունքներ եմ բարեկամական հարաբերություններ ունեմ, քանի որ Վրաստանը նաեւ այն երկիրն է, որտեղ 2008 թվականին ժամանեց

ին նախագահը, մեր երկրի նախագահ պարոն Լեհ Կաչինսկին: Սա շատ կարևոր էր մեզ համար, քանի որ մենք աջակցում ենք Վրաստանին»:

Վրաստանի նախագահը, իր հերթին, նշեց, որ իրեն հնարավորություն է տրվել տեղեկություններ փոխանակել Ուկրաինայի հարցով:



ԵՆԹԱԿԱՌՈՒՅՑ

ԻՐԱԿԼԻ ԴԱՐԻԲԱՇՎԻԼԻ. «ՎՐԱՍՏԱՆԸ ՏԱՐԱԾԱՇՐՋԱՆՈՒՄ ԱՄԵՆԱՄԵԾ ՏԱՐԱՆՑԻԿ ՈՒ ՏՐԱՆՍԴՈՐՏԱՅԻՆ ՆԵՐՈՒԺ ՈՒՆԵՅՈՂ ԵՐԿԻՐՆ Է»

(Սկիզբը՝ 1-ին էջում)

տանի Սեւ ծովի դարպասների մոտ՝ Փոթիում եւ խոսել ձեր առջեւ: Ինչպես գիտեք, 2020 թվականից Փոթիում նոր նավահանգստի լայնածավալ շինարարություն է իրականացնում «Pays» ընկերությունը, որը չափազանց կարևոր ծրագիր է տարածաշրջանի համար: Ներդրումների ընդհանուր ծավալն այսօրվա դրությամբ կազմում է 93 մլն դոլար, որը երկու փուլերի ավարտից հետո՝ կաճի մինչև 120 մլն դոլար: Հատկապես կցանկանայի նշել նախագծում մեր հիմնական

ռազմավարական գործընկերոջ՝ ԱՄՆ-ի ներգրավվածությունը: Մասնավորապես, ԱՄՆ Դաշնային կառավարության Միջազգային ֆինանսական զարգացման կորպորացիան (DFC) հատկացրել է 50 միլիոն դոլարի ֆինանսավորում, ինչը եւս մեկ վկայություն է, որ Վրաստանը գրավիչ երկիր է օտարերկրյա ներդրումների համար, եւ որ այն ամենամեծ տարանցիկ եւ տրանսպորտային ներուժ ունեցող երկիրն է տարածաշրջանում,- ելույթ ունենալով նավահանգստի բացման արարողությանը, նշեց վարչապետը:

Նշենք, որ նոր նավահանգստի կառու-

ցումն իրականացվել է «Pays Group»-ի եւ ԱՄՆ Միջազգային զարգացման ֆինանսական գործակալության (DFC) համատեղ ջանքերով: Գերատեսչությունում նշում են, որ նոր նավահանգիստը Վրաստանի ծովային ոլորտում երբեւէ իրականացված խոշորագույն նախագծերից մեկն է, եւ դա արժեքը հասնում է 120 միլիոն դոլարի:

«Pays Group»-ը տարածաշրջանում ամենամեծ տրանսպորտային ընկերությունն է, որի տարեկան միջին բեռնաշրջանառությունը գերազանցում է երեք միլիոն տոննա: «Pays Group»-ում աշխատում է ավելի քան 1000 մարդ:

ՍՈՑԻԱԼԱԿԱՆ

ԷԼԵԿՏՐԱԵՆԵՐԳԻԱՅԻ ԵՎ ՋՐԻ ՎՃԱՐՈՒՄՆԵՐԻ ՍՈՒԲՍԻԴԻԱՆԵՐ՝ ԱՆԱՊԱՆՈՎ ԸՆՏԱՆԻՔՆԵՐԻՆ

Վրաստանի վարչապետի նախաձեռնությամբ՝ սոցիալապես անապահով ընտանիքների էլեկտրաէներգիայի եւ ջրի վարձերը կուրսիդավորվեն:

«Համաձայն որոշման՝ սոցիալապես անապահով ընտանիքներին, որոնց վարկանիշային միավորը 70 000 եւ ավելի է, պետության կողմից կուրսիդավորվի էլեկտրաէներգիայի սպառումը, սուբսիդավորման չափը կկազմի 2020 թվականի դեկտեմբերի օգտագործողի վերջնական սակագնի եւ 2015 թվականի հուլիսին գործող սպա-

ռողական սակագնի տարբերությունը եւ 2022 թվականի հունվարի եւ 2020 թվականի դեկտեմբերին գործող սակագների տարբերությունը 1 կվտժ-ի դիմաց 3,5 թեթրի քանակությամբ: Աջակցությունը տրամադրվում է Թբիլիսիում գրանցված 70 000 վարկանիշային միավոր ունեցող սոցիալապես անապահով ընտանիքներին:

Բացի այդ, կառավարությունը 2022 թվականի հունվարի 1-ից մինչև 2022 թվականի դեկտեմբերի 31-ն ընկած ժամանակահատվածում հաշվառված սոցիալապես անապահով ընտանիքների համար կուրսիդավորի ամսական ոչ ավելի, քան 200 կվտ/ժ սպառված էլեկտրաէներգիա՝ 1 կվտ/ժ-ի դիմաց 3,5 թեթրի չափով: Սուբսիդավորումը չի վերաբերում այն բաժանորդներին, ովքեր օգտվում են «Բարձր-լեռնային» բնակավայրում բաժանորդների կողմից սպառված

էլեկտրաէներգիայի ամսավճարի փոխհատուցման մասին» որոշմամբ նախատեսված արտոնություններից»,- ասված է հաղորդագրության մեջ:

Միաժամանակ, 2022 թվականի հունվարից մինչև 2022 թվականի դեկտեմբեր ընկած ժամանակահատվածում 70 000 եւ ավելի ցածր վարկանիշ ունեցող ընտանիքները, որոնք բնակվում են Թբիլիսիում, Ռուսթավիում կամ Մցխեթայում, խմելու ջրի սուբսիդիա կստանան 100 լարիից ոչ ավելի:



ԱՄՆ
ՊԵՏԱԿԱՆ ՊԱՐՏՔԸ ԳԵՐԱԶԱՆՑԵՑ
30 ՏՐԻԼԻՈՆ ԴՈԼԱՐԸ

Միացյալ Նահանգների պետական պարտքն առաջին անգամ գերազանցել է 30 տրիլիոն դոլարը:

Դա ԱՄՆ-ի պետական պարտքի ռեկորդային ցուցանիշն է դրա գոյության ամբողջ ժամանակամիջոցում:

2021 թվականի վերջի դրությամբ պետական պարտքը կազմել է ավելի քան 29 տրիլիոն դոլար (ՀՆԱ-ի շուրջ 125 տոկոսը), ինչն իշխանություններին հարկադրել է պետական պարտքի առավելակետը բարձրացնելու մինչև 31,4 տրիլիոն դոլար:

ԱՄԵՐԻԿԱՆ ԼՐԱՑՈՒՑԻՉ
ՋԻՆՈՒԺ ԵԿՐՈՊԱՅՈՒՄ

Միացյալ Նահանգների նախագահ Ջո Բայդենը պաշտոնապես հաստատել է մի քանի հազար լրացուցիչ զինվորականների՝ Եվրոպա ուղարկելը: Նրանց տեղակայումը Եվրոպայում կիրականացվի առաջիկա օրերին:

Սուտ երկու հազար լրացուցիչ ամերիկացի զինծառայողներ տեղակայվելու են Լեհաստանի տարածքում, եւս մի քանի հազարը՝ ՆԱՏՕ-ի հարավ-արեւելյան ճակատում, այդ թվում եւ Ռումինիայում:

ԵԿՐԱՄԻՈՒԹՅՈՒՆ
1,2 ՄԼԴ ԵԿՐՈՅԻ ՕԳՆՈՒԹՅՈՒՆ՝
ՈՒԿՐԱԻՆԱՅԻՆ

Եվրահանձնաժողովը (ԵՀ) հաստատել է Ուկրաինային 1,2 միլարդ եվրո գումարի մակրոֆինանսական օգնության ծրագրի տրամադրումը: Փողը Կիևին կփոխանցվի 600-ական միլիոն եվրո երկու վարկաբաժիններով՝ Եվրախորհրդարանի եւ ԵՄ-ի խորհրդի կողմից ծրագրին հավանություն տալուց անմիջապես հետո:

Այդ միջոցներն արտոնյալ պայմաններով կտրամադրվեն երկարաժամկետ վարկերի տեսքով: Միջոցների մեծ մասը, ուղղորդված է Ուկրաինայի արտաքին պետական պարտքի սպասարկմանը:

ՎՐԱՍՏԱՆ - ՀԱՅԱՍՏԱՆ

ՎԱԽԹԱՆԳ ԳՈՄԵԼԱՌԻԻ. «ԵՄ ՄԻՇՏ ԸՆԴՊԾՈՒՄ ԵՄ, ՈՐ ՀԱՅԵՐՍ ՈՒ ՎՐԱՅԻՆԵՐՍ ԱՄԵՆԱՄՏԵՐԻՄ ԺՈՂՎՈՒՐՆԵՐՆ ԵՆՔ, ՄԵՆՔ ՇԱՏ ՀԱՐԱԶԱՏ ԵՆՔ ՈՒ ՆՄԱՆ. . .»

ՎՐԱՍՏԱՆԻ ՆԵՐՔԻՆ ԳՈՐԾԵՐԻ ՆԱԽԱՐԱՐԸ ԵՐԵՎԱՆՈՒՄ ՀԱՆԴԻՊԵՑ ՀԱՅԱՍՏԱՆԻ ՎԱՐԶԱՊԵՏԻՆ ԵՎ ՈՍՏԻՎԱՆԱՊԵՏԻՆ

(Սկիզբը՝ 1-ին էջում)

նի արդարադատության նախարարը, որին, ցավոք, կովիդի պատճառով չկարողացա հանդիպել: Մեր Ոստիկանության պետը նախորդիվ այցելել էր Վրաստան: Մենք նախորդ տարին ամփոփեցինք Թբիլիսիում տեղի ունեցած Հայ-վրացական տնտեսական համագործակցության միջկառավարական հանձնաժողովի նիստով: Դրանից առաջ մի քանի անգամ հանդիպում են ունեցել Վրաստանի վարչապետ՝ իմ ընկեր Իրակլի Դարիբաշվիլու հետ: Եվ կարելիություն են, որ մեր իրավապահ համակարգերն իրար հետ սերտ համագործակցություն են հաստատում: Դա կարելի է մեր երկրների անվտանգության, իրավակարգի պահպանության համար:

Նիկոլ Փաշինյանն իր ողջույններն ու առողջության մաղթանքներն է խնդրել փոխանցել Վրաստանի վարչապետ Իրակլի Դարիբաշվիլուն, ով վարակվել է կորոնավիրուսով:

Իր հերթին, Վախթանգ Գոմելաուրին շնորհակալություն հայտնեց ընդունելության համար եւ Հայաստանի վարչապետին փոխանցեց Վրաստանի վարչապետի ջերմ ողջույնները:

- Վրաստանի համար Հայաստանը շատ

կարևոր գործընկեր է, հարեւան է եւ ընկեր երկիր: Ես միշտ ընդգծում եմ, որ հայերս եւ վրացիներս ամենամտերին ժողովուրդներն ենք, մենք շատ հարազատ ենք եւ նման ե՛ւ ավանդույներով, ե՛ւ մշակույթով, հարազատ եւ մտերիմ ենք ամեն հարցում:

Ինչ վերաբերում է մեր համագործակցությանը, ասեմ, որ առաջին հանդիպումից հետո արդեն ընկերացել ենք պարոն Ոստիկանապետի հետ: Ցանկանում եմ մեր պատրաստակամությունը հայտնել հետագա համագործակցության հարցում: Իմացել, որ մենք միշտ պատրաստ ենք աջակցել եւ նաեւ պատրաստ ենք լսել ձեր փորձը, որը բավական մեծ է: Այն, ինչ հիմա նախաձեռնել եք, մասնավորապես, պարեկային ծառայության մասին է խոսքս, շատ ողջունելի ու կարևոր ծրագիր է: Մաղթում եմ, որ հաջողությամբ այն ավարտին հասցնեք,- ասաց Վախթանգ Գոմելաուրին:

Զրուցակիցները մտքեր փոխանակեցին Վրաստանում եւ Հայաստանում ոլորտային բարեփոխումների վերաբերյալ, կիսվեցին տեղեկատվությամբ պարեկային ծառայության բարեփոխման ընթացքի եւ արդյունքների շուրջ:

Մինչ հանդիպումը Վախթանգ Գոմելաուրին, պատվիրակության անդամների՝ Վրաստանի ՆԳ նախարարի առաջին տե-

ղակալ Շավվա Բեդրիձեի, փոխնախարարներ Իոսեթ Ճելիձեի եւ Գիորգի Բուխուզիի, Հայաստանի ոստիկանապետի հետ, ծաղկեպսակ է դրել՝ ծառայողական պարտականությունները կատարելիս զոհված ոստիկանների հիշատակը հավերժացնող պատին:

Երկու երկրների իրավապահ գերատեսչությունների ղեկավարների հանդիպմանը կողմերը պատրաստակամություն են հայտնել է՛լ ավելի խորացնել ու զարգացնել Վրաստանի եւ Հայաստանի իրավապահ մարմինների միջեւ առկա համագործակցությունը, քննարկվել են երկու գերատեսչությունների փորձի փոխանակման, անձանց հետախուզման, հայտնաբերման եւ հանձնման, օպերատիվ տեղեկատվության փոխանակման, թմրամիջոցների ամօրինական շրջանառության դեմ պայքարի, ինչպես եւ փոխադարձ հետաքրքրություն ներկայացնող այլ հարցեր:

Հանդիպման ավարտին Հայաստանի ոստիկանապետ Վախե Ղազարյանի իրամասնով՝ Վրաստանի ՆԳ նախարար Վախթանգ Գոմելաուրին եւ վրացական պատվիրակության անդամները պարգևատրվել են «Համագործակցության ամրապնդում» մեդալով: Փետրվարի 3-ին պաշտոնական այցով



Վ.Գոմելաուրին եւ Վ.Ղազարյանը

Վրաստանի ներքին գործերի նախարար Վախթանգ Գոմելաուրին, իր գլխավորած պատվիրակության անդամների, Հայաստանի ոստիկանության պետ Վախե Ղազարյանի եւ ոստիկանության կոլեգիայի անդամների ուղեկցությամբ, այցելեց Հայոց ցեղասպանության հուշահամալիր, ծաղիկներ խոնարհեց եւ հարգանքի տուրք մատուցեց Մեծ Եղեռնի զոհերի հիշատակին:

Նույն օրը Վախթանգ Գոմելաուրիի գլխավորած պատվիրակությանը ներկայացվեցին ոստիկանության գործերի զորամասերի սպառազինությունը, զրահատեխնիկան, ծառայողական տրանսպորտային միջոցները եւ այլն: Ոստիկանության գործերի ծառայողները հասարակական կարգի պահպանման ցուցադրական ելույթներ ունեցան:

Վրաստանի ՆԳՆ մամլո ծառայություն, «Արմենպրես»-«Վրաստան»

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԿՐԹԱԿԱՆ

ՄԻԽԵԻԼ ՉԽԵՆԿԵԼԻ. «ՈՒՍՈՒՑԻՉՆԵՐԻ ԵՎ ԴՊՐՈՅԻ ՏՆՕՐԻՆՈՒԹՅԱՆ ՆԵՐԿԱՅԱՑՈՒՑԻՉՆԵՐԻ 73,6 ՏՈԿՈՍԸ ՊԱՏՎԱՍՏՎԵԼ Է»

Ինչպես հայտարարեց Վրաստանի կրթության եւ գիտության նախարար Միխեիլ Չխենկելին, դպրոցական տարածքում ուսումնական գործընթացի վերսկսմամբ ուսուցիչների եւ վարչական անձնակազմի թեստավորման գործընթացն ընթանում է ինտենսիվ կարգով:

Նրա խոսքով, Վրաստանի կրթության եւ գիտության նախարարության աջակցությամբ, Հիվանդությունների վերահսկման եւ հանրային առողջության ազգային կենտրոնի ներկայացուցիչները վերապատրաստել են ավելի քան 400 պետական եւ մասնավոր դպրոցների բժիշկների:

- Հենց վերապատրաստված բժիշկներն են այս դպրոցներում ապահովում կադրերի թեստավորումը Covid-19-ի համար: Իսկ այն դպրոցներում, որտեղ բժիշկները դեռ չեն վերապատրաստվել, շարունակվելու է թեստավորման գործընթացը Հիվանդությունների վերահսկման եւ հանրային առողջության ազգային կենտրոնի կողմից:

Դպրոցներում անվտանգ միջավայրը առավելագույնի հասցնելու համար երկու անգամ պատվաստված կամ «Բուստերով» պատվաստված ուսուցիչները երկու շաբաթը մեկ թեստ են անցնելու կորոնավիրուսի համար, իսկ մեկ անգամ պատվաստված կամ չպատվաստված ուսուցիչները՝ շաբաթը մեկ ստուգվելու են:

վելու են արագ հակազդեցիկ թեստով:

Մինչ այժմ պատվաստվել է ուսուցիչների եւ դպրոցի տնօրինության ներկայացուցիչների 73,6 տոկոսը:

Վիրուսը կանխելու համար դպրոցներն ամբողջությամբ ապահովված են համապատասխան ախտահանիչ լուծույթներով, ինչպես նաեւ ջերմաչափերով եւ ախտահանող պատենշներով:

Ուսուցիչների եւ աշակերտների համար անվտանգ միջավայր ապահովելու նպատակով, կրթության եւ գիտության նախարարության ներկայացուցիչները շարունակում են շարունակական մշտադիտարկումը թբիլիսիի եւ Վրաստանի բոլոր շրջանների դպրոցներում, հայտարարեց Միխեիլ Չխենկելին:



ԻՐԱԿԼԻ ՂԱՐԻԲԱՇՎԻԼՈՒ ՄՈՏ ԿՈՐՈՆԱՎԻՐՈՒՄ Ե ՋԱՍՏԱՍՏՎԵԼ

Յունվարի 31-ին Վրաստանի վարչապետ Իրակլի Ղարիբաշվիլու մոտ կորոնավիրուսի «Օմիկրոն» շտամ է հաստատվել:

Վրաստանի կառավարության պաշտոնական կայքում նշված է, որ Իրակլի Ղարիբաշվիլու առողջական վիճակը լավ է, վերջինս շարունակում է աշխատել հեռավար:

Ըստ տեղեկության՝ Ղարիբաշվիլին ամբողջությամբ պատվաստված է: Վարչապետի մոտ «Օմիկրոն» հաստատվել է Covid-19-ի հերթական պլանավորված թեստավորման արդյունքում:

ՄԻԱՅՆ ԱՆՑՅԱԼ ՏԱՐԻ ՊԵՏԱԿԱՆ ՊԱՏՔԸ ԱՎԵԼԱՑԵԼ Է 5 ՄԻԼԻԱՐԴ ԼԱՐԻՈՎ

Վրաստանի խորհրդարանի բյուջետային գրասենյակի տվյալներով, երկրի կառավարությունը 2021 թվականին մոտ 5,553 մլրդ լարի արտաքին պարտք է վերցրել, որից 1,713 մլրդ լարին ստացել է եվրոբոնդերի տեղաբաշխմամբ, մոտ 2,467 մլրդ լարի վերցրել է բյուջետային վարկերից, իսկ 1,373 մլրդ լարի՝ ներդրումային վարկերից:

Ինչ վերաբերում է ներքին պարտքին, ապա նշվում է, որ 2021 թվականին կառավարությունը ներքին պարտքը ավելի շատ մարել է, քան վերցրել:

Ավելացնելով, որ 2021 թվականին արտաքին պարտքը Վրաստանի բյուջեի ընդհանուր եկամուտների 28 տոկոսն է կազմել, 2019-ին՝ 17, իսկ 2020-ին գերազանցել է 40 տոկոսը:

ՏՐԻԲՈՒԼԻԻ ՀԱՆՔԱՎԱՅՐՈՒՄ ՎԹԱՐԻ ԱՐԴՅՈՒՆՔՈՒՄ ԿԱՆ ՏՈՒԺՎԱԾՆԵՐ

Յունվարի 30-ին Տղիբուլիի հանքավայրում պայթյուն է տեղի ունեցել, որի հետևանքով 9 մարդ է վիրավորվել: Մեկը մահացել է Տղիբուլիի հիվանդանոց տեղափոխվելուց հետո:

Վրաստանի Աշխատանքի տեսչական ծառայության տվյալներով՝ Տղիբուլիի հանքավայրում տեղի ունեցած պայթյունի պատճառը, նախնական զննհատմամբ, անվտանգության կանոնների խախտումն է:

Ներքին գործերի նախարարությունը քրեական գործ է հարուցել հանքարդյունաբերության, շինարարական կամ այլ աշխատանքների կատարման ընթացքում անվտանգության կանոնները խախտելու հոդվածով:

ՎՐԱՍՏԱՆՈՒՄ ՎԱՌԵԼԻՔԸ ԿԹԱՆԿԱՆԱ

Ըստ «Բիոյլ» ընկերության գլխավոր տնօրեն Ռուսուդան Ռամազաշվիլու, Վրաստանում վառելիքը կթանկանա նաեւ ոչ բրենդային կայաններում՝ թանկացումը կկազմի 10 թեթրի:

Նրա խոսքով, ընկերության զազալցակայաններում, ի տարբերություն բրենդայինների, արդեն իսկ ցածր գներ են, եւ վառելիքի սովորական մակնիշն արժե 2 լարի 75 թեթրի, թեեւ հաշվի առնելով միջազգային գները՝ գնի հետագա բարձրացումն անխուսափելի է:

- Մեր դեպքում վառելիքի գնի վրա ազդում են միջազգային գներն ու լարիի փոխարժեքը, լարին այս փուլում ամրապնդվում է: Ուստի վառելիքի գինը նվազեցնելու համար իրավիճակը կարող է փոխել միայն ակցիզային դրույթաչափը,- նշեց Ռուսուդան Ռամազաշվիլին:

ՀՐԱՊԱՐԱԿՎԵԼ ԵՆ ԱԶԳԱՅԻՆ ՈՒՍՈՒՄՆԱԿԱՆ ՕԼԻՄՊԻԱԴԱՆԵՐԻ ԱՐԴՅՈՒՆՔՆԵՐԸ

Վրաստանի քննությունների եւ գնահատման ազգային կենտրոնը (NAEC) հրապարակել է ազգային ուսումնական օլիմպիադայի արդյունքները:

2021-2022 ուսումնական տարվա ազգային ուսումնական օլիմպիադայի երկրորդ փուլի հաղթող է ճանաչվում այն մասնակիցը, որը հավաքել է համապատասխան առարկայի թեստի առավելագույն միավորի առնվազն 50 տոկոսը եւ հայտնվել համապատասխան դասարանի եւ առարկայական

վարկանիշային ցուցակի առաջին հիսուն մասնակիցների մեջ:

Տեղեկության համաձայն, հնարավոր է նաեւ բողոքարկել միավորը՝ ներկայացնելով վերստուգման հայտ: Հանձնաժողովի որոշմամբ՝ հայտ ուղարկած օլիմպիադայի մասնակցի աշխատանքը կստուգվի եւս մեկ անգամ,

արդյունքում հնարավոր է ավելացվեն միավորներ, կրճատվեն կամ մնան անփոփոխ:

Հայտը լրացնելու կարգին կարելի է ծանոթանալ քննությունների եւ գնահատման ազգային կենտրոնի (NAEC) պաշտոնական կայքում:

Հիշեցնենք, որ ազգային ուսումնական օլիմպիադան Վրաստանում անցկացվել է հունվարի 10-15-ը՝ 70 քննական կենտրոններում:

ԴՊՐՈՅՆԵՐՈՒՄ ՈՒՍՈՒՄՆԱԿԱՆ ԳՈՐԾԸՆԹԱՅԸ ԿՇԱՐՈՒՆԱԿԻ ՀԻՔՐԻՂԱՅԻՆ ԵՂԱՆԱԿՈՎ

Փետրվարի 1-ին, միգրատեսչական համակարգող խորհրդի նիստին՝ Վրաստանի առողջապահության փոխնախարար Թամար Գաբունիան հայտարարեց, որ Վրաստանի դպրոցներում ուսումնական գործընթացը չի դադարեցվի, ուսումնական գործընթացը կշարունակվի հիբրիդային ձևով:

- Ուսումնական գործընթացը կշարունակվի այնպես, ինչպես հիմա է,- նշեց Թամար Գաբունիան:

Այժմ դասապրոցեսն իրականացվում է հիբրիդային ռեժիմով՝ դասասենյակներում եւ հեռավար, որի որոշումը կայացնում է դպրոցը կամ ծնողը՝ ելնելով առկա համաճարակաբա-

նական իրավիճակից:

Հիշեցնենք, որ առողջապահության նախարար Ջուրաբ Ազարաշվիլին ասել էր, որ եթե առաջարկ լինի, ապա կքննարկվի դպրոցների եւ մանկապարտեզների հեռավար ուսուցման հարցը:

ԱՌՈՂՋԱՊԱՐՈՒԹՅՈՒՆ

ՋՈՒՐԱԲ ԱԶԱՐԱՇՎԻԼԻ. «ԴԵՂԵՐԻ ՈՐԱԿԻ ՎԵՐԱՀՍԿԿՄԱՆ ՆՊԱՏԱԿՈՎ ԿԱՏԵՂԾՎԻ ԲԺՇԿԱԿԱՆ ԼԱԲՈՐԱՏՈՐԻԱ»



Վրաստանի առողջապահության նախարար Ջուրաբ Ազարաշվիլու հայտարարությամբ, կառավարությունն ընդունել է որոշում, ըստ որի՝ Վրաստանի ղեղագործական արտադրանքներում ընդունվելու նպատակով ներմուծողների համար պարտադիր է դառնում GMP ստանդարտով ղեղագործական արտադրանքի արտադրությունը հավաստող փաստաթուղթ ներկայացնելը:

- Ինչպես հիշում եք, հունվարի 1-ից ուժի մեջ է մտել տեղական արտադրողների կողմից GMP սերտիֆիկատները:

բորատորիա կստեղծվի, որը կվերահսկի ղեղերի որակը:

- Թե՛ ներկրվող, թե՛ տեղական արտադրության ղեղերի որակն ավելի լավ վերահսկելու համար, մենք այս տարի Վրաստանում կհիմնենք ղեղերի լաբորատորիա: Դրա համար բյուջեից արդեն հատկացվել է մինչեւ վեց միլիոն, եւ մենք սկսել ենք այն հնարավորինս արագ կազմակերպելու գործընթացը,- նշեց Ջուրաբ Ազարաշվիլին:

ՀԱՇՎԵՏՎՈՒԹՅՈՒՆ

ՄՐՑԱԿՑՈՒԹՅԱՆ ԱԶԳԱՅԻՆ ԳՈՐԾԱԿԱԼՈՒԹՅՈՒՆԸ ՀԱՆՐԱԳՈՒՄԱՐԵՑ 2021 ԹՎԱԿԱՆԻ ԳՈՐԾՈՒՆԵՈՒԹՅԱՆ ԱՐԴՅՈՒՆՔՆԵՐԸ

Փետրվարի 2-ին, Մրցակցության ազգային գործակալությունն ամփոփել է 2021 թվականի գործունեության արդյունքները: Հաշվետվությամբ հանդես եկավ Վրաստանի ազգային մրցակցության գործակալության նախագահ Իրակլի Լեքվինաձեն:

Ինչպես նշվեց, հաշվետու ժամանակահատվածում, ընդհանուր առմամբ, տրվել է 14 հանձնարարական, այդ թվում՝ 13-ը՝ ուղղված ղեղագործական շուկայի մրցունակության բարձրացմանը:

Մրցակցության ազգային գործակալությունը ղեղագործական շուկայի մոնիտորինգն ավարտել է 2021 թվականին: Գործակալության դիտարկման հիմնական օբյեկտը եղել է ղեղերի մանրածախ գները՝ գնահատելով գնի փոփոխության վրա ազդող հիմնական հանգամանքների ազդեցությունը մանրածախ գնի ձեւավորման վրա: Հիմնվելով միջազգային լավագույն փորձի եւ երկրի շուկայի կառուցվածքի վերլուծության, ինչպես նա-

ե օրենսդրության կարգավորման վրա՝ Գործակալության կողմից պատրաստված առաջարկությունները նպատակ ունեն զգալիորեն նվազեցնել սպառողի կողմից ղեղերի վրա կատարվող ծախսերը:

Գործակալության ղեկավարի խոսքով, գերատեսչությունը շարունակում է վերահսկել ավտոմեքենաների վառելիքի շուկան:



ԴԻՐՔՈՐՈՇՈՒՄ

ՕՐԵՆՍԴԻՐ ՄԱՐՄԻՆԸ ԸՆԴՈՒՆԵՑ ՈՒԿՐԱԻՆԱՅԻՆ ԱԶԱԿՑՈՂ, «ՎՐԱՑԱԿԱՆ ԵՐԱԶԱՆՔԻ» ՆԵՐԿԱՅԱՑՐԱԾ ԲԱՆԱԶԵՎԸ

(Սկիզբը՝ 1-ին էջում)

ծեն, Գիվի Միքանաձեն եւ Թամար Տալիաշվիլին:

«Վրաստանի խորհրդարանը հայտնում է իր խոր մտահոգությունը՝ Ուկրաինայում հնարավոր ռազմական էսկալացիայի կապակցությամբ, եւ դատապարտում ցանկացած մտադրություն, որն ուղղված է ինքնիշխան պետության ինքնիշխանության եւ տարածքային ամբողջականության դեմ, որը նոր վտանգ է ներկայացնում ոչ միայն Ուկրաինայի,

յի, այլեւ տարածաշրջանային խաղաղության եւ անվտանգության համար:

Հայտարարում է, որ անդամակցությունը Հյուսիսատլանտյան դաշինքին պետության ինքնիշխան իրավունքն է, եւ որ այդ իրավունքը ռազմաքաղաքական միջոցներով սահմանափակելու ցանկացած փորձ կտրականապես անընդունելի է:

Համարում է, որ Ուկրաինայում պատերազմի կանխումը պետք է լինի միջազգային հանրության գլխավոր մտահոգությունը:

Համերաշխություն է հայտնում բարեկամ ուկրաինացի ժողովրդին, որը կարող է լուրջ վնաս կրել ցանկացած հնարավոր ռազմական սրացումից:

Հաշվի առնելով վերը նշվածը՝ Վրաստանի խորհրդարանը կոչ է անում Վրաստանի կառավարությանը դիվանագիտական գործիքների կիրառմամբ եւ ռազմավարական գործընկերների հետ սերտ համակարգմամբ շարունակել իր ներդրումը Ուկրաինայում պատերազմի կանխման գործում»,- ասված է բանաձեւում:

ԽՈՐՀՐԴԱՐԱՆ

ԸՆՏՐՈՒԹՅՈՒՆՆԵՐԻ ԳՐԵԹԵ ՄԵԿՈՒԿԵՄ ՏԱՐԻ ԱՆՅ՝ «ԱԶԳԱՅԻՆ ՀԱՐԺՈՒՄԸ» ԼՍԵՅ՝ ՔՆՆԱԿԱՏՈՒԹՅՈՒՆՆԵՐ ԻՐ ՀԱՍՅԵԻՆ ԵՎ ԴԱՐԱՐԵՅԻՐԵՅ՝ ԽՈՐՀՐԴԱՐԱՆԻ ԲՈՅԿՈՏԸ

Վրաստանում ամենախոշոր ընդդիմադիր կուսակցությունը՝ «Միասնական ազգային շարժումը» (ՄԱԸ) դադարեցրեց խորհրդարանական բոյկոտը: Այս մասին հունվարի 31-ին՝ խորհրդարանում կայացած ճեպագրույցի ժամանակ հայտնեց ՄԱԸ կուսակցության քաղաքական խորհրդի անդամ Խատիա Դեկանոիձեն:

Հիշեցնենք, որ 2020 թվականի խորհրդարանական ընտրություններից հետո «Միասնական ազգային շարժումը» (ՄԱԸ) իրաժարվեց մտնել խորհրդարան, որի համար այդ կուսակցության հասցեին տարբեր, ինչպես ընդդիմադիր, այնպես էլ կարավարող կուսակցությունների կողմից հնչեցին սուր քննադատություններ:

ՄԱԸ-ի անդամները խորհրդարան մտան 2021 թվականի հունիսի 8-ին, թեպետ մեկ ամիս անց՝ հուլիսի 5-ի իրադարձություններից հետո, կուսակցությունը կր-

կին հայտարարեց խորհրդարանական բոյկոտի մասին:

Նշենք, որ ՄԱԸ-ի անդամները 2021 թվականի դեկտեմբերի 22-ից զանգվածային հացադուլ էին սկսել՝ ի աջակցություն կուսակցության հիմնադիր եւ Վրաստանի նախկին նախագահ Միխեիլ Սաակաշվիլու: 2022 թվականի հունվարի 1-ին կուսակցության 200 անդամներն ու աջակիցները, Սաակաշվիլու խնդրանքով, դադարեցրին հացադուլը:

Վրաստանի նախագահ Սալոմե Ջուրաբիշվիլին ողջունեց ընդ-

դիմադիր կուսակցության՝ խորհրդարանական գործունեությանը միանալու որոշումը:

«Ժողովրդավարական գործընթացի համար անհրաժեշտ է, որ բոլոր քաղաքական կուսակցությունները հարգեն սեփական ընտրողների կամքը եւ օգտագործեն ընտրությունների հիման վրա նրանց տրված վստահությունն ու մանդատը:

Նախագահի նախաձեռնած գործընթացը, որի նպատակն է հաղթահարել բեւեռացումը, պահանջում է նաեւ, որ քաղաքական բանավեճերի, երկխոսության եւ քննարկումների տարածքը լիովին օգտագործվի խորհրդարանում: Սա մեր երկիրը զարգացնելու ճանապարհն է»,- ասված է Սալոմե Ջուրաբիշվիլու հայտարարության մեջ:

ՇԱԼՎԱ ՊԱՊՈՒԱՇՎԻԼԻ. «ՎՐԱՍՏԱՆԻ ԴԻՐՔՈՐՈՇՈՒՄԸ ՊԱՏԵՐԱԶՄԻ ԱՆԹՈՒՅԼԱՏՐԵԼԻՈՒԹՅՈՒՆՆ Է»

Մեկնաբանելով Վրաստանի խորհրդարանի կողմից Ուկրաինային սատարող բանաձեւի ընդունումը՝ Վրաստանի խորհրդարանի նախագահ Շալվա Պապուաշվիլին հայտարարեց, որ անվտանգության հարցերն առնչվում են ոչ միայն Ուկրաինային եւ Վրաստանին, այլեւ ողջ տարածաշրջանին եւ Եվրոպային: Ուստի, այսօր կարեւորագույն խնդիրը նոր պատերազմի անթույլատրելիությունն է, եւ այն դիրքորոշումը, որը զբաղեցնում է մեր երկիրը, լրիվությամբ հավանության է արժանանում մեր գործընկերների կողմից:



ԳՈՒՐԱՄ ՍԱՃԱՐԱՇՎԻԼԻ. «ԱԶԳԱՅԻՆԱԿԱՆՆԵՐՆ ՈՒ ՊԱՆԱՐԻԱՅԻ ԿՈՒՄԱԿՈՒԹՅՈՒՆԸ ՀԱՄԱՁԱՅՆԵՅՎԱԾ ԵՆ ԳՈՐԾՈՒՄ ԵՎ ԱՍՈՒՄ ԵՆ, ՈՐ ԻԲՐ ԱՌԱՆՁԻՆ ԵՆՔ»

Ինչպես հայտարարեց «Վրացական երազանքի» խմբակցության պատգամավոր Գուրամ Մաճարաշվիլին, Գախարիայի կուսակցությունն ու «Ազգային շարժումը» համաձայնեցված են գործում եւ, միաժամանակ, հայտարարում, թե իբր առանձին են:

Մեծամասնական խորհրդարանականի խոսքով, «Վրաստանի համար» եւ «Միասնական ազգային շարժման» կուսակցությունների համաձայնեցված գործողությունների մասին այլ փաստեր էլ կան: - Հնարավոր է՝ հերթական «կլոււնադայի» ականատես լինենք: Այդ կազմակերպությունների բնույթն այդպիսին է եւ այդ կազմակերպություններից ցանկացած ձեւաչափով կոալիցիան նշանակում է, որ նախկինում էլ այլ նպատակներ ունեին, որ այսօր բացահայտվում են», - հայտարարել է Գուրամ Մաճարաշվիլին:

ԱՊՐԻԼԻ 2-ԻՆ՝ ՎՐԱՍՏԱՆԻ ԽՈՐՀՐԴԱՐԱՆԻ ԵՎ ՔԱՂԱՔԱՅԻՆ ՍԱԿՐԵԲՈՒԼՈՅԻ ՄԻՋԱՆԿՅԱԼ ԸՆՏՐՈՒԹՅՈՒՆՆԵՐ

Փետրվարի 1-ին Վրաստանի Կենտրոնական ընտրական հանձնաժողովն ընդունեց որոշում, ըստ որի՝ ապրիլի 2-ին տեղի կունենան Վրաստանի խորհրդարանի եւ քաղաքային սակրեբուլոյի միջանկյալ ընտրություններ:

ԿԸՀ-ի տվյալներով՝ 2022 թվականի ապրիլի 2-ին ընտրողները Ռուսթավիում կընտրեն Վրաստանի խորհրդարանի, իսկ Բաթումիում՝ սակրեբուլոյի մեծամասնականին: Միջանկյալ ընտրությունների համար Ռուսթավիում եւ Գարդաբանում կբացվեն 117 ընտրատեղամասեր, իսկ Բաթումիում՝ 14:

Հիշեցնենք, որ Վրաստանի խորհրդարանի եւ Բաթումիի սակրեբուլոյի պակասած անդամներին ընտրելու համար անցկացվում են միջանկյալ ընտրություն-

ներ: Ռուսթավիի քաղաքապետ ընտրվելուց հետո Նինո Լացաբիձեն լքել է խորհրդարանը, իսկ Բաթումիի սակրեբուլոյի մեծամասնական պատգամավոր Ջեմալ Փուտկարաձեն մահացել է:

Ռուսթավիի եւ Գարդաբանի մունիցիպալիտետներում «Վրացական երազանքի» թեկնածուներն Էլիս Իրակլի Շատակիշվիլին, իսկ Բաթումիի քաղաքային սակրեբուլոյի ընտրություններում կուսակցության մեծամասնական թեկնածուն՝ Ռամազ Ջինճարաձեն:

ԷԿՈՆՈՄԻԿԱ ԵՎ ՖԻՆԱՆՍՆԵՐ

ԵՐԿՆԻՇ ՏՆՏԵՍԱԿԱՆ ԱՃԸ ՈՒՂԵԿՑՎՈՒՄ Է ԵՐԿՆԻՇ ԳՆԱՃՈՎ

Վրաստանի էկոնոմիկան տարածաշրջանում միակն է, որն ըստ պաշտոնական տվյալների՝ 2021 թվականին գրանցել է երկնիշ տնտեսական աճ: Տնտեսական աճի պատճառները թերեւս տարբեր են: Հաճախ դրանք պայմանավորված են թե՛ համավարակի պատճառներով գործող սահմանափակումներով, թե՛ երկրում տիրող բարձր գնաճով, թե՛ տարածաշրջանում տիրող լարված իրավիճակներով՝ ինչը հանգեցրել է ներդրումային դաշտի գրավչության նվազմանը: Չնայած երկնիշ տնտեսական աճին, այդուհանդերձ, 2021 թվականին Վրաստանում երկնիշ էր նաեւ գնաճը:

Ազգային վիճակագրական ծառայության նախնական գնահատականի համաձայն՝ 2021 թվականի դեկտեմբերին իրական Համախառն ներքին արտադանքի (ՀՆԱ) աճը, նախորդ տարվա նույն ժամանակահատվածի համեմատ, կազմել է 9,6 տոկոս: 2021 թվականի միջին իրական աճը, սահմանվել է 10,6 տոկոս:

Վիճակագրության ծառայության տվյալներով՝ 2021 թվականի դեկտեմբերին, նախորդ տարվա նույն ժամանակահատվածի համեմատ, աճ է նկատվել արտադրության, տրանսպորտի եւ պահեստավորման, առևտրի, հյուրանոցների եւ ռեստո-

րանների, էլեկտրաէներգիայի, գազի, անշարժ գույքի, արվեստի, ժամանցի եւ հանգստի ոլորտներում: Շինարարության ոլորտում նկատվել է նվազեցման միտում:

Միաժամանակ, Ազգային վիճակագրական ծառայության տվյալներով, 2022 թվականի հունվարին, նախորդ ամսվա համեմատ, Վրաստանում գնաճը կազմել է 1,1 տոկոս, իսկ տարեկան գնաճը՝ 13,9 տոկոս:

Ըստ գերատեսչության՝ ամսական գնաճի մակարդակի ձեւավորման վրա հիմնական ազդեցությունը թողել է հետեւյալ խմբերի գների փոփոխությունը.



«Սննդամթերք եւ ոչ ոգելից խմիչքներ. խմբում գներն աճել են 2,5 տոկոսով, որն արտացոլվել է ամսական 0,84 տոկոսային կետ գնաճով: Գներն աճել են հետեւյալ խմբերի՝ բանջարեղեն եւ այգեգործություն (8,4 տոկոս), մրգեր եւ խաղող (7,4 տոկոս), հանքային եւ աղբյուրի ջուր, զովացուցիչ ըմպելիքներ եւ բնական հյութեր (4,1 տոկոս), կաթ, պանիր եւ ձու

Հագուստ եւ կոշիկ. խմբում գրանցվել է գների 3,8 տոկոս անկում՝ արտացոլելով ամսական -0,14 տոկոսային կետի գնաճը: Գները նվազել են ինչպես կոշիկի (-3,7 տոկոս), այնպես էլ՝ հագուստի (-3,7 տոկոս) ենթախմբերի համար»,- ասվում է Ազգային վիճակագրական ծառայության զեկույցում:

Էջը պատրաստեց ՅՈՒՐԻ ԽՈՐԵՆՅԱՆԸ